

# 寧晉縣志

周鳳翔  
題簽



建置志 賦役志

卷之二

城池公署坊廂  
鋪司學校壇壝  
祠廟附祀典  
附載寺觀

卷之三

田土貢賦戶口  
丁徭起運定額  
存留經費  
鹽法附

蒲晉縣志卷之二

建置志

先王建國擇形勢而定之居而必為之規畫經制事周于  
生必備意垂於可久或昔創而今仍或先置而後缺興廢增  
新勿敗壞而不可支存乎其人志建置

城池

城土築周圍陸里計壹千九百九十步

春秋本楊國故墟

魏名曰楊城舊址周廻十有餘里今丰為縣城

唐天寶元年始改今治

明成化九年知縣陸愉增建城高二丈闊壹丈池深壹丈闊二丈成化二十年知縣徐以貞再重修

宏治十八年知縣吳儀增築城高三丈闊二丈五尺池深二丈五尺垛口九百六十六環城窩鋪十座門三無西門北門口通趙南門曰寧昌東門曰環秀

嘉靖三年知縣阿其麟增築三子城以翼三門北曰迎恩南曰迎薰東曰迎暉

嘉靖二十六年知縣王寶創建東門外月城高二丈五尺垛口四百四十一箇窩鋪三座門曰永壯橋曰接瀛北門橋舊曰安澤南門橋舊曰澄波月城樓並舊城四樓及垛

口皆重新增修高厚倍昔有大學士郭朴碑記

天啟四年知縣曹拴衡重修築

崇禎十一年知縣胡應瑞再築

城樓甕城 清咸豐元年城牆倒塌僅存基址知縣丁學

易修築東南二面南北東城樓三座並甕城仍就故址亦

一律鼎新較舊規益宏壯

咸豐五年知縣鍾秀接修西北二面兩次修葺周圍計六  
里餘計費三萬金

垛口 舊城無垛口咸豐六年知縣過錦雲於守城戒嚴  
時倉猝修建卑不蔽身同治八年署典史徐紀堂加高五

尺餘並添修水口一百二十道以免雨水冲刷

炮樓 舊城無炮樓同治七年知縣胡岳初建五座紳士  
孫漢桂等損修三座共八座今廢

池 舊濠久成平地同治二年知縣過錦雲於守城戒嚴  
時撥附城二十里內民夫挑挖較舊加寬加深其工甚鉅  
北門外三關寨又名通趙坊寨同治七年北門外增設三  
關修築寨堡東北西三面三門南附城牆土垣周三里餘  
知縣胡岳監修三關商民自行捐貲創建

民國十五年三關商民自行重修

東甕城 民國六年坍塌南北二面知事鍾剛中修葺

梁口

民國十六年梁口水道久已俱廢知事吳寶善於冬防戒嚴時就牆上平坦處倉猝修築大小遠近不等

公署

縣治 大堂曰忠愛堂二堂後為知縣內宅儀門外左翼寅賓館土地祠右翼監獄儀門內為戒銘坊大堂兩翼列各科房

前無考更為甯晉縣治自唐始唐縣令李懷仁德政碑至今尚存

宋紹聖元年夏四月知縣江西陳臻徙唐李懷仁德政碑

於縣治前是紹聖時即今治第創建之日無可稽矣

元世祖至正二十三年丙戌十月宇而罕忽里下車即重修縣治廳宇見縣前大德七年去思碑

明洪武三年知縣孫毅重修

成化七年知縣陸愉重修教諭陳田撰碑記十五年知縣徐以貞再修翰林曾彥撰碑記

正德元年知縣吳儀相繼修葺學士賈詠撰碑記

清道光十年知縣戴凝之重修

道光二十年知縣孟毓藻二十二年知縣周若棠相繼修葺嗣是雖經歷任隨時補葺堂宇及內外各房不無欹斜

坍塌

光緒五年知縣夏子鑒捐修大堂二堂三堂四堂一律新整一切内外各房亦多修葺其大堂前之月臺並牌坊儀門大門因費絀停工光緒十五年知縣余文炳請款重修監獄 在縣署頭門内西獄門向東開民國六年知事鍾剛中重修大加改良並建修看守所内外一律重新民國十四年知事陳毓瑞在大堂兩側添建南屋十間作為各科辦公處

民國十六年知事吳寶善重修大堂及觀花亭等内外一律新整



主簿廳 在縣署左清順治三年裁主簿廳廢民國初年就其地改作習藝所今廢

典史廳 在縣署右民國廢典史就其地改設警備隊

警察所 在縣署左寅賓館舊址民國十二年知縣陸長康創建

西察院舊為太僕寺署在縣治西嘉靖十一年知縣陳誨改為西察院順治八年知縣趙汝斌重修今廢

察院 在鼓樓東洪武十年知縣胡得傳建至成化七年知縣陸愉重修順治八年知縣趙汝斌又創建今又廢

府廳 申明亭 旌善亭 陰陽學 醫學

俱在縣治西嘉靖二十八年知縣陳棐創建今俱廢

預備倉 在縣治西知縣萬任於倉街南創建磚坊門今俱廢

養濟院 在縣治西北隅府志載在縣治東其先創建重修

舊志不載皆無可考嘉靖三十八年御史蔡輟重修內建仁濟堂置贍田四百畝勒碑記其事順治八年知縣趙汝斌重修

康熙十年邑武進士孫樞前中書舍人孫梗候選通判王瀚候選知縣鄭國諶捐貲重修給諫范士髦撰記十四年知縣張京重修咸豐六年知縣鍾秀重修光緒二年知縣

夏子塗重修民國十四年知縣蘇毓琦重修邑舉人張震  
科撰記

鼓樓在縣治東四街之中

演武場在城外西北廳前後計地百畝嘉靖二十八年知縣  
陳棐創建並置順治八年知縣趙汝斌重修後其地多為  
強豪侵佔民國五年知事倪桂殿就其地改建農事試驗  
場今其地不過四十餘畝

坊廂 城內五 城外三

城內舊分坊

承宣坊 賢林坊 秀毓坊 都建坊 狀元坊

司馬坊

今分五坊

賢林坊 都建坊 狀元坊 司馬坊 普照坊

(附記) 承宣坊秀毓坊何時廢普照坊何時增年月無

考

城外分三坊

通趙坊 北門外 浚水坊 南門外 月城坊 東門外

賢林坊在城內南節 東至東城牆北至 東邊狀元坊 西至普

照坊南至南城牆共街四道衙衙五條

都建坊在城內西北 東至 南節狀元坊 北至司馬坊西至西

城牆南至賢林坊共南北街二道東西街三道衙衙四條

狀元坊在城內東南東至東城牆北至司坊東門大街西至都建

坊南至賢林坊共街二道衙衙三條

司馬坊在城東北東至東城牆北至北城牆西至都建坊

南至

東邊狀元坊西邊都建坊

共街五道衙衙十條

普照坊在城內西南東至賢林坊北至都建坊西至西城

牆南至南城牆共衙衙五條

按自康熙後二百餘年頻經重修俱係一時補葺至道光

後屢被流賊所擾營建戒嚴多所增益咸豐元年知縣丁

學易重修門樓甕城及東南二面城垣咸豐五年知縣鍾

秀又接築西北二面城郭雖完尚無雉堞咸豐六年知縣過錦雲因流賊入境時方戒嚴倉卒之際建築甚卑勢難蔽身同治八年署典史徐紀堂加高五尺添修水口百餘道舊無炮樓同治七年知縣胡岳建築五座邑紳孫漢桂等捐修三座北門外添築月城南接城垣東西北三面三門周圍三里濠深且寬昔日之城郭不完者而今則居然一時之嚴邑也

舖司

原額舖司二十五名並無裁減今俱廢

在城總舖在縣治西

魚台舖在縣東南十里

東汪舖在縣東南二十五里

以上三舖達鉅鹿南宮二縣路

新莊舖在縣東南三十五里

黃退舖在縣西北十里

換馬店舖在縣西北二十里

以上二路達趙州

縣西北二舖傳趙州真定保定順天公文由東路遞送縣東南三舖傳新河南宮棗強冀州清河山東省公文由西路遞送

清末郵局偏設公文多由郵局傳遞舖司如同虛設今俱廢

北關行署萬歷四十五年知縣侯應琛創建後廢今地建知縣周公生祠

（附記）查周公期生河南固始人清順治十八年知甯晉事仁心善政十年如一日去之日百姓立祠建碑名其祠曰周公生祠康熙九年知縣張京事無巨細悉出以從容士民感惠與前周公合祀一祠樹碑二通志去思今祠無存祀亦廢已將牌位移至名宦祠內

驛站

甯晉縣驛站原額工馬夫料銀四千四百十四兩八分五厘一毫九絲自康熙七年後屢折屢裁傳至今郵局徧布此



亦幾同虛設矣

倉廩

常平倉

常平倉在城西街內倉神廟一座房三間泰字廩一座倉廩五間經知縣夏子鑒於光緒五年重修長字廩一座倉廩五間地字廩現在僅存地基久字廩一座倉廩五間物字廩現在僅存地基阜字廩一座倉廩五間民字廩一座倉廩五間安字廩一座倉廩五間經知縣夏子鑒於光緒五重修甯晉係屬中治額存谷一萬四千石內除歷年賑缺豁缺咸豐四年奉文協撥隆平柏鄉兩縣助賑及奉文派